

## Sportski vikend: Sve ekipe gostuju, u Tuzli jedino susret OKK Sloboda - Igokea



Sportski vikend u Tuzli odavno nije bio mršaviji što se tiče sporta, s obzirom na to da skoro sve ekipe gostuju.



Izuzetak su jedino košarkaši OKK Slobode koji sutra u Mejdanu, u okviru 6. kola prvenstva BiH, dočekuju ekipu Igokee. Susret je najavljen za 19 sati.

Rukometašice Jedinstva trebale su večeras igrati u Tuzli s ekipom Hadžića, ali je meč pomjeren za 27. novembar zbog učešća Hadžićanki u Challenge Kupu.

Rukometaši Slobode večeras traže prvu gostujuću pobjedu. U 9. kolu Premijer lige gostuju u Živinicama protiv Konjuha, a susret se igra od 19 sati.



Druga ekipa Slobode u 9. kolu Prve federalne lige također gostuje. U 17 sati igraju meč u Banovićima protiv Rudara.

Odbojkašice Slobode u susretu 9. kola Premijer lige odlaze na megdan Kuli Gradačac, s dobrim izgledima da nastave "žetvu" bodova. Ova utakmica igra se od 19 sati.

Dok premijerligaši u nogometu pauziraju zbog reprezentativnih obaveza (otkazan je i prijateljski susret Slobode s Čelikom), malonogometaši nastavljaju prvenstvene borbe. Ekipa Salines TC gostuje u Gornjem Vakufu protiv Sloge i kotira kao favorit. Utakmica je na programu u nedjelju od 18 sati. (tl – Foto: Miro Petrović)

Date: 16-11-2019